



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio XXIII.

urn:nbn:de:hbz:466:1-15653

Item supplicauit idem dominus archiepiscopus nomine totius Concilii dominis cardinalibus, quod portionem competentem eisdem de arreragijs præteriti temporis velent ecclesijs & viris ecclesiasticis remittere liberaliter, quemadmodum dominus noster fecerat in portione ipsam tangente: & petiit a Concilio, an hoc placeret sibi, & quod expresse diceret, placet: dominus cardinalis Albanensis solus se opposuit.

Item, idem archiepiscopus pronuntiauit proxime futuram sessionem fiendam ad diem Veneris sequentem, de mandato domini nostri papæ; & quod nullus interim recederet sine licentia papali. De istis omnibus hac die expeditis promotor seu procurator ecclesiæ petiuit vnum vel plura instrumenta confici per clericos camerae & notarios Concilii, ad perpetuam rei memoriam.

Item in hac sessione dictum fuit, quod dominus noster prouideret archiepiscopo Ianuensi super archiepiscopatu suo. Etiam placuit Concilio, quod dominus cardinalis Albanensis prosequeretur ius quod habere prætendebat in archidiaconatu Lucionensi. Successiue præfatus dominus noster papa sessionem fiendam, certis de causis animum suum mouentibus, continuauit vsque ad diem Mercurii septimam mensis Augusti tunc proxime sequentis.

SESSIO XXIII.

Die Mercurii septima Augusti adueniente, solennitatibus & ceremoniis seruatis circa officium diuinum, sanctissimus in Christo pater dominus noster, sacro approbante Concilio, ordinauit, quod bona immobilia ecclesiæ Romanæ, seu aliarum ecclesiarum, nullatenus per ipsum vel alios prælatos alienentur, seu hypothecentur, vsque ad proxime indictum Concilium, in quo super hoc articulo maturius poterit deliberari.

Item, idem dominus noster, eodem approbante Concilio, ordinat & mandat celebrari ante Concilium generale Concilia prouincialia, per metropolitanos & synodos, ac eorum suffraganeos, secundum formam iuris & Concilii generalis: quia ex eorum omissione multa inconuenientia sequerentur.

Item, idem dominus noster, eodem approbante Con-

ANNO
CHRISTI
1409.

cilio, ordinat & mandat, celebrari capitula monachorum, magistrorum, & canonicorum regularium, secundum formam Concilii generalis, & constitutiones felicis recollectionis. . . . & Benedicti XII. & quia limitatio prouinciarum facta per Benedictum XII. non possit de presententi, obstante temporis malitia, obseruari, ordinat dictus dominus noster, quoad dicta capitula celebranda, standum iuri antiquo, durante impedimento predicto; videlicet, vt prouincia communis & vulgaris possit per se capitulum prouinciale celebrare, ex quo commode cum alia non possit conuenire: & deputabit dominus noster presidentes & executores ad premissa exequenda.

Item, idem dominus noster, eodem approbante Concilio, disponit non facere translationes de inuitis, nisi parte vocata & audita, & de consensu maioris partis cardinalium, vsque ad proxime indictum Concilium, nisi ex causis iustis & rationalibus.

Item, dominus noster, sacro approbante Concilio, decernit, quod ex parte ipsius domini nostri cum cardinalium consilio deputabuntur nuntii solennes, qui mittentur ad reges & principes, & certos fideles, ad publicandum & prosequendum auctoritate domini nostri papae & sacri Concilii, acta in hoc Concilio.

Item, dominus noster auctoritate Dei, apostolorum Petri & Pauli, & sua, concedit omnibus qui in hoc Concilio interfuerunt, & eius determinationi adhaerentibus absolutionem plenariam a poena & culpa, semel tamen in vita, ita quod quilibet de predictis infra duos menses, postquam ad eius notitiam concessio huiusmodi peruenerit, possit dictum beneficium absolutionis assequi, in forma ecclesiae. Similem concessionem facit dominus noster singulis supradictis in mortis articulo, intelligendo tam de dominis, quam de familiaribus.

Item, cum dominus noster papa cum consilio Concilii intenderet *reformare ecclesiam in capite & in membris*, & iam multa per Dei gratiam sint expedita per ipsum dominum nostrum papam, & multa alia statum & fauorem praelatorum, & aliorum inferiorum concernentia restent, quae propter regressum praelatorum & ambassiatorum de presententi expediri non possunt, propterea idem dominus

noſter, ſacro requirente & approbante Concilio, dictam reformationem ſuſpēdit & continuat vſque ad proximum iam indictum Concilium, & præſens Concilium prorogat & continuat vſque ad illum terminum, qui præfixus eſt omnibus ad Concilium conuocatis, redeundum ad proprias ædes, vſque ad terminum præfixum ſupradictum.

ANNO
CHRISTI
1409.

N O T A.

^a *Concilium.*] Qua occasione hæc Synodus indicta fuerit, refert Theodoricus a Niem lib. 3. ſchiſmatis, cap. 38. his verbis: *Cum autem dictus Petrus de Luna ad prædictum regnum Arragonia perueniſſet, octo vel nouem de cardinalibus ſuis, qui ſecum erant, ad diuerſa loca propinqua, quia tunc erat æſtas, ſub recreationis colore declinarunt ab ipſo: quorum aliqui ad Liburnum, alii ad portum Piſanorum, ſed nouiter ab eo ſegregatum, & dominio eorumdem Ianuenſium qualitercumque additum, acceſſerunt, cauſa cum eiſdem cardinalibus, qui ab ipſo Errorio fugerant, illuc accedentes, per plures dies inſimul conuerſati fuerunt, ſed tamen ſine fine concluſionis, quia necdum habebant determinatum locum idoneum eis conſeſſum, in quo ſimul conuenire, atque generale Concilium ex vtraque obedientia conuocare pro facienda vniōe libere poſſent. Sed tandem dominus Balthaſar, ſancti Euſtachii diaconus cardinalis, per eundem Bonifacium ad illum gradum aſſumptus, tunc & nunc fungens officio legationis in ciuitate Bononiēſi & eius comitatu pro Romana eccleſia, ac modernus papa Alexander tunc cardinalis, & dominus Ioannes nepos dicti Innocentii, & per eum in cardinales creati, circa feſtum aſſumptionis beata Maria virginis anni proxime præteriti de Bononia, vbi tunc fuerunt, volentes eoſdem alios cardinales tunc Piſis exiſtentes viſitare, ad Florentiam iter egerunt, & ibi honorabiliter recepti, obtinuerunt a Florentinis concedi ciuitatem Piſanam prædictam ad conueniendum ibidem ſimul cum eiſdem cardinalibus Gallicis, ad faciendum omnia quæ eis videbantur fore pro dicta vniōe ſubſequentia quomodolibet opportuna, & ſic vltimus dicta licentia obtenta ad Piſas declinarunt, vbi tunc eorum confratres & dictos cardinales Gallicos congregatos inueniunt, in qua ad proſequendam dictam vniōem generale Concilium vtriuſque obedientie tunc celebrandum conuocarunt in feſto annuntiationis beata Maria virginis tunc inſtanti proxime: ſed iſte terminus ad alium breuem terminum poſtea ſubrogatus fuit, & duo ex eiſdem cardinalibus obedientie noſtre inierunt ad ciuitatem Senenſem præſatam, in qua Errorius cum ſua curia reſidebat, cauſa eum citandi, ſue vocandi, vt ad prædictum generale Concilium accederet, ac eius determinationi, ſi vellet, per ſe, vel per alium, ſeu alios intereſſet: quos tamen præſatus Errorius ad ſe venire non ſinebat, imo per aliquos magnæ auctoritatis viros interpellatus & rogatus, vt ipſos audiret, illud pertinaciter facere non curabat: ſed ipſi miſſi cardinales facientes ſolicitam diligentiam in commiſſis, & publicantes apud eccleſiam maiorem Senenſem, & in quibuſdam aliis locis publicis co-*

Theodoricus a Niem
aliquæ ad-
uerſæ partis
factores,
Gregorium
per con-
temptum
Errorium
vocabant.

ram